



玉溪集
序

行狀
墓碑
誌銘

16
2332
2



和
2332
卷4-2

玉溪先生文集卷之二

祭文

祭安左相 珙文奉 教製

惟靈稟精川岳含秀象辰韻宇弘深姿度端醇温然
如玉薰然其春輔以文學濟以綜理含章晦美不見
愠喜斤斤奉上恂恂接下謙慎出天名慶數焉清畏
四知揚震却金弱冠厲翼載振厥音獻謀經帷宣化
崇陰嘆舌銀臺網紀栢府投之游刃何往不裕服勤
兩朝垂四十年一心不爽人無間然予嘉乃德曰篤
不忘登之廟廊倚毗匪常何期一疾奄爾去止若涉



大川其無舟楫如彼調羹鹽梅既之起焉曷稽謀焉
曷咨予懷之悲天地之知矧伊臨危獻以忠規藥石
之言根本之旨予其敢忘服之無墜侔真行潦庶幾
歆止

祭文德殿文奉 教製

思齊母后淑聖自天克配 皇考壺政親宣誕育眇
躬保佑冲年德享息深昊天罔極方期萬壽永享胡
福閔予不佑罹此荼毒園陵永遷音容日杳烝烝在
疚夙夜擗標如求如望欲送曷 途露往霜來踴慕增
悲歲倏再周 諱辰已屆釋麻就吉奈此中制仰視

俯顧予子何托式陳菲薄庶紓歆格

中朝進香祭文奉 教製

於皇聖后寅紹丕緒德配高厚化浹烝庶四方作宰
百辟其刑聲教遠暨玉帛盈庭顧茲小邦世被 罷
靈矧 臣藐末受命初允庶恪侯度永沐 皇恩何知
一朝八音遽過天崩地坼疾心若割迹縻外藩禮阻
奔哭祗薦菲薄少展心曲

王世子祭完山府夫人文奉 教製

惟靈生自瓊源歸于名閎性稟柔嘉德音罔缺積享
于內其慶則篤詆我 中闈母臨一國復有多男玉

五溪集卷之二 一
立蘭芳崇高昌大福履無彊謂享遐壽胡遽至此痛
結椒禁悲纏戚里我念自出倍極傷盡伴奠洞酌奠
紆歆格

祭文昭殿文奉 教製

一位

弘穆我祖聰明神武簡在帝心奄有東土貽謀燕翼
垂裕無極於穆寢廟 聖妃配德眇予繼序敢忘奉
先屆茲維夏乃躬效虔

二位

明明烈祖勇智首出恢此丕基功無作述 聖后密

贊陰教三修則篤其慶武至今休序屬長養修祀無
怠躬斟洞酌發其如在

三位

於昭顯祖及我神后儼義齊光令聞悠久咨予小子
叨此緇守露往霜來怵惕于心恭歲明禋冀垂居歆

一室

於赫聖祖受天成命綏定東夏維列無競 神后作
遠陰教畫修慶延本支式至今休眇予緇序敢忘奉
先丁辰之吉乃躬效虔

二室

文武列祖功業作述克勤克儉基命宥密溫溫我
后柔嘉有則媿德娠聖永賴家國屬茲令節修祀無
怠躬軫洞酌致其如在

三室

於皇我祖天縱聖明制禮作樂萬世承程猗歟神
后儷美齊光咨予小子叨此緇守露往霜來永慕增
深躬修節祀冀垂居歆

八室

閔予小子叨于宗祏弗嗣于德亦怒有赫靡歲無災
不水則旱瘠我饑饉民亦流散屬茲方夏又復驕陽
種不入土來牟卒瘁何所鋤耰何所食飲民靡子遺
國步慄慄念我皇祖在帝左右肆歲行潦冀垂顧
庶降甘澍俾民粒食俾民粒食我祖之德

九室

維茲五月旱氣太甚山盡諸黃澤絕流滲無草不萎
矧伊來牟播植既失三農廢休下民率瘵將靡子餘
嗟我皇考胡寧忍予豈其忍予我罪孔多我罪孔多
其無天何哀痛迫切復此籲告願歆明薦勿爽神報

十室

眇予緇序逢天憚怒歲比阻飢邦無本固今茲旦慙

覆此為虐瘁我禾麥輟我錢鏹哀哀赤子啜泣中野
予心之憂若被燼爰念我先王陟降帝側庶垂扶佑
導宣靈澤既亟無徐殆其今茲苟為不然先祖于摧

南海祈雨祭文

物於天壤海景鉅只瀰漫汨滴靈恠貯只興茲雷雨
澤黎庶只今胡秘機不予助只念此亢旱亦孔虐只
塵揚阡陌金石鏢只種不得苗秧未挿只望絕秋穫
民斯溢只我祀惟馨遠于告只極布靈澤蘇百穀只

東海祈雨祭文

眇予寡昧續守洪基不惠于天珍孽其滋祗慄憂勤

惟日緇夜玄胡亢旱復此方夏麥穗既槁又迄禾稼
相涉川原亦枯亦赭民罔飲食于何從極曰惟溟海
環截東域汪洋浩渺潤物是職胡然屯膏任其虐熇
縱予有罪下民可念仟真牲幣灑告血誠庶幾顛歆
用彰靈明降雨祈祈沃此焦乾惟民之食惟神之安

智異山祈雨祭文

南紀有山壯于大東根蟠地軸勢摩昊穹噴洩雲烟
以雨以風粒我丞民取澤旣洪屬茲南訛旱氣蟲蟲
禾稼其槁矧望芄芄顛瞻原野燥如焚烘神胡忍斯
久秘奇功庶歆危悰降雨濛濛遍我公私登歲于豐

祭曹南冥文

惟公受天正氣為世人豪潔誠內植直方外操抗志
古人勇往不怠泥塗軒冕睨視若晚確乎自守其介
如石言論英發雷厲風烈憂時憫俗動於容色好善
嫉邪發自衷悃洞察幾頭要按原本遇事剛果無有
吝滯清明脫灑義堪砥礪早事奇文期軼一世勇拋
不顧甘掩柴荆知以善養肯屑此牲眼空宇宙一笑
悠悠道高見憎不免羣咻公一其操無悔無尤卒隨
以定心乎翕服從此優游幾多歲月山海雷龍往來
無阻晚卜頭流爰得我所樹竹梢簾溪壑窈窕齋榜

山天端坐味道一簞一瓢曠然自老鶴鳴九臯 除書
屢下志無小用詎輕赴 謝猶念時偷復惻民病瀝血
控疏論說勁正中有 旌招禮意殊復亦不駟赴馬僕
蕭然登 陛一對不辭言旋搓詔踵廬衿佩來朋激
昂振發多有感興庶幾仁壽永享清福如何一疾遽
摧樑木遐邇驚嗟士友號踊嗟公志行縱無施用生有
賜粟歿優 諭祭劄見我東猶存風厲眇予寒劣爰作
斗杓每承高論鄙崩自消去歲冬仲一蹶山磴雨洗
踈松葉沒幽徑拜揖庭階愈覺仰止望公翔鳳自視
螻蟻未幾道虐問价續馳牽纏晚省勢及殆而執手

仰視情慘焉窮猶恃神扶孰意長終病廢三月一哭
無從今迫窀穸乃始匍匐瀝酒告哀逝肯昭格

祭申靈川文 名潛字元亮

嗚呼我公而至於斯也耶皇天之產此碩人兮固將
有意於時也肆器宇行義之卓絕又復輔之以文學
餘事文章與翰墨兮投之所向兮無不臻極且其端
委於廟廊亦以黼黻乎盛治胡為挫之於盛年竟蓄
縮而莫之試也縱有三邦之晚效豈去志業之萬一
卒又無壽而無嗣信蒼蒼之不可詰嗟余小子蠢然
既壯蒙被誨誘以善道幸得不迷於所向濟我以科

第之榮華拔我於旅宦之艱危行為兄弟身見實父師
及莅斯州縣乃其屬徃來謁見諄諄勗之以所不足
繫官而稍廢其往兮亦必貽書而相促晝讌高樓夜
侍閑堂怡愉三載其樂無央日者之來亟告言旋命
留之至於累日兮猶有相視而歎然卒決言而忍辭
亦復勉以來歲之初吉何意未浹一旬兮忽焉違此
屬疾證未及於診省歿未聞其屬托慚負平素痛極
焚灼吁嗟乎公之所期於我者豈謂若是也耶縱有
遺稿之可傳余能收拾而不墜撫髮姊而送長途兮
仰視天之茫茫哀不暇乎文辭聊自抒其中腸

三溪集卷之二
祭李龜巖文

嗚呼先生胡遽至此鎮俗之量濟物之志嗜學之誠
好古之義今其罔覩已矣已矣公晚丘園知日有事
七歲之別幸除旁邑一掉往來得窺所立庶自顧省
刮去舊習茲焉莫遂仰穹長噫踽踽斯世孰知余悲
念昔來思携手迎我如何今日聞焉香火林齋慘慘
海日荒荒宇宙長訣薦此一觴

祭金河西文

嗚呼辱之今我來思今我來思公則何之我言莫應
我酌不酬皆如閔如今古悠悠公之生世實稟間氣

之材之美靡所不備公自若無其外如愚早脫羈馭
任真自娛唯所希者賢聖之徒耿耿此心不忘復更
一疾不起奈何天乎嗟嗟來世其有知公也夫幸余
允劣托以忘年景仰高風自視茫然顧有義分終始
敢昧今迫再暮乃始躬酌宿草之淚吾寧不灑

祭吳德溪文

惟君性受天之洵美自髫髻而令譽彈孝制而餐粥
敦友愛而推與耿耿高標之拔俗兮抑端誠之植內
松之貞兮竹之剛玉之潔兮金之淬子諒愷悌之動
人兮疇不心慕而誠愛味聖賢之謨訓期實踐而有

得既積深而蓄厚藹文華之炳蔚當官而秉直無撓
臨事而守正不回始奮翼於高科遂發跡於銀臺紛
徽垣與拓府幾忠懇之披陳縉叅即於銓部寧少為
之逡巡信德高兮多謗迺浩然而歸鄉 息綸紛其
緇途黃麻降兮愈光屢懇避而不赴歲忽焉而三周
豈專疾病之為縻要以不謬於前修方將屏迹而味
閑庶幾因是而有為奄一疾而不興天胡為乎忍斯
嗚呼使君進而立於朝也則足能排姦佞而扶善類
借令退而居於里兮亦將育材而造士進與退其無
所施兮竟齋志而沒地豈徒士林之失依抑亦邦國

之珍瘁嗟龍蛇之直歲相識縉而淪喪此君之所嘗
歎吒不能禁而又胡使吾儕重為君而倍愴眇余無
類幸生鄰壤早結交好晚益契篤相從九陌并遊鄉
曲偲偲功功其樂只且余方親老而抱病君亦難進
而潛居庶幾交修其不逮同詠樂乎太平頃者抄夏
聚首三清連床接袂以詠以歌留連宵晝感慨何多
及其分携更上東阿相視惘然君則有加安知纒一
月兮隔死生而無覩聞君違屬令子笏而診撫來報
余以疾病不省兮益墮心而焦膚欲繼踵而馳問奈
情志之真通遂蹇趄而未果俄不淑之奄聞念平生

而長負溲余滂之交紛嗚呼論言未竟有意莫傳無
緣更質其奧義徒掩卷而悄悄且吾言固亦有由乎
君所答之異是痛申白之難再秘中心之永愧我今
踵門君胡不迎以笑我薦鷄絮君胡不飲以噍永矣
殊世仰空以叫

祭鄭公希輔文

踰海有鄉實同甌越既荒而阻俗普于學公奮其間
出類拔萃聰明俊逸洽聞彊記摘華設藻沛若川增
遊于學庠嘉聲聿興先進嗟賞儕友惶駭甲科之榮
擬拾地芥命不我謀而以窮躋一畝之宮一簞之食

澹如泊如絕彼外榮歛德于躬惠我後生誨我諄諄
不遺昏明縫掖于于自遠方來縛茅東澗左右其齋
載絃載歌以問以考人各其材蔚乎有造鄉多髦士
冠佩濟濟雖有淺深皆其抽啓昔余幼眇亦廁門後
誘我誨我矧其嚴覆繫教之賴以有今日荷德惟深
報恩靡力前歲之夏余在漢濱承函千里繫官莫奔
徂秋南覲乃始一哭慙負幽明慟結膏臆今此匍匐
踰歲且暮誠衰物非詎暴清素

祭洪議政彥弼文 代宗廟署官作

惟靈氣鍾山嶽量恢江河周流學殖炳蔚文華材完

德茂與物皆通休休斷斷古人之風粵在妙齡名登
桂籍翱翔文苑羽儀鶴列密勿 經幄風霜臺閣乃
典秩宗乃長銓衡臧否孔昭軌物聿成允其踐歷釐
績藹然服勞 三朝一心罔愆圖像麟閣益爲忠宣
再入廟廊 睿眷深倚國樞元龜人渴盛治云何不
淑忽此殄瘁嗚呼噫噫範有五福人所慕梅苟非積
深鮮美克全獨有我公而辱于天况有令胤位視卿
月箕裘德業可繼鉤軸生榮死哀終始無欠某等幸
厠朝列久承庇蔭未拜寢門俯仰摧心敬陳行潦維
以告訖

祭永川臨臯書院文

惟公忠孝大節理學元祖日月東震綱常萬古流風
百世興我好德作院建宇昭祀無斁禎幸以外裔叨
按南極今過祀下祗謁遺像恭歲菲具庶承盼鑿

瀘溪書院春秋享祭文

惟公學究性理行隆孝義蔚爲先覺師式士類禮宜
稱祀 朝命優異鄉邦興慕建院祇事茲惟仲春恪
修歲常尚克右之啓後不忘

祭高祖考墓文

惟靈韞其德義弗輝于躬迺生英賢錫秩有隆眇末

孤孫亦沾慶運竊位于 朝積有歲年廢官且病迨
闕省展今守近邦乃克躬薦碑碣仆缺荆榛蒙翳載
瞻載想怛然淚繼庶賜鑑臨歆此椒荔

祭曾祖考妣墓文

德堪佐世文之華國蜚英館閣揚聲南服位終不滿
澤唯垂後惟我祖妣配德克壽茲實邦鄉世世永賴
眇末屢孫久竊組帶作尹完山式拜塋側恭薦蘋藻
庶紆降格

祭先考墓文

嗟我先考有德不食清修信古士友作式孤年習數

失怙何仰未蒙義方成此伎倆幸叨竊位拔節南方
伏號瑩下薦此豆觴

祭柳大司憲景深文 雅龜村

嗚呼太浩君去何適我來訪君君何邈邈同榜之舊
卅載之好君不肯顧我心如擣君有異才臨事恢刃
左右沛然無所滯吝人謂大奮揚聲東震孰意中道
慘見旅櫬扶還故鄉寒暑屢遷寢門寥閨香火蕭然
遺孤伏哭胡寧忍斯薦此鷄酒知乎不知嗚呼哀哉

祭伯氏文

嗚呼吾兄乎于今何所之乎弁乎堂兩入乎室邈然

不復接其形容聞然不復聆其音聲老母兄弟撫寡
嫂携三稚朝夕號慕遑遑瞿瞿而逾月逾時卒無有
覩也嗚呼兄其亾矣兄其亾矣其終不可得而復見
矣鐘天屬無窮之恩愛但止於三十年之倏忽而遽
然永隔路分幽明他生又未可必其相後則弟安得
不於今日推背裂肝籲天而無所哉嗚呼吾兄平日
愛弟之誠教弟之恩怡怡之色閭閻之容信於族黨
著於鄉閭金石可貫鬼神可質亦何待於言而言之
亦何能盡哉惟不肖弟頑愚蔽塞辜恩常多雖竊科
第之名而貧病困感不克少致榮養天消地磨此恨

不滅兄亦日望弟之稍立于世而奄然至此吾知兄
之目亦不瞑矣去歲之春兄送妹氏于詩山弟亦隨
行在館一日遂得此疾頑冥昏惰不能盡其藥餌之
方身又病弱其能竭其調侍之力及其奉以還家又
迫熱中之念未幾拜辭入京雖藥物或繼而候視未
親千里相望但積憂念及秋南還則雖有彌留之勢
元氣稍復大證亦止意其保其歲月瘳和遂復奉辭
趨朝執掌無暇日循度日診問未究藥石未備旋復
罷歸使弟誠憂於兄疾復施其劑餌調治之方則安
知其不有今日哉既來于家兄不為弟戚而弟亦無

王漢書卷之三
一三
纖芥之恨猶以久相從為幸若時月暄和氣血調順
則庶幾復常奉以遊遨煮鮮漉酒以盡山水之興孰
意奄忽至此哉正月之望身有微恙時有聘家之喪
且欲携妻孥還于親側將有龍城之行則兄再三勸
止身以為兄之憂身疾也自度勸止者不以其精神
之不如前日欲留身少待而身實不覺其然乎適遊
山剝承凶又遲馳奔雖劇而竟未得及於襲歛以奉
辭好行之語遂為終天之永訣言念至此尤不覺其
長踊欲絕也不知兄之大漸也其無奈有可托於身
者而不得耶今胡不時入身之夢以托其所未言而

而叙平日無窮恩愛耶其以身為不足托諸歟抑弟
之精神思慮不能致兄之降顧耶嗚呼痛哉嗚呼痛
哉有弟在世而家貧力弱不克自振奠祭未及於儀
掩葬又將過期歷月踰時不即死滅飲食言笑苟度
時日不肖之罪死無所贖彼蒼者天曷其有極嗚呼
痛哉身自遊學以至從宦二十餘年之間奉養之具
一倚於兄離遠雖久庶幾自安而無憂矣及今兄已
止而母愈老蒼顏白髮滿目蕭然憂患變故夙瘡轉
增弟裸家居稍遠且方遊學兄之幼子皆未克省事
朝夕之養誰其供之寢廟之薦誰其尸之此身之益

復籲呼而不能已者也嗚呼經紀家事俾不失業教
育幼孤使之成立兄必有望於身而身亦有以自期
焉不肖之甚誠未孚于人才又濶於事其能不負所
望也耶嗚呼窮天下之聲無以洩其悲矣盡天下之
辭無以傳其酷矣哽咽抑塞言止於此嗚呼兄乎其
能知也耶

祭林叅奉王文

惟靈性專端良家著孝恭潛德于鄉乃克考終于天
何怨格後有融余是姑甥公視猶姪景蒙恩顧報薦
毫髮粵在癸秋解綬言歸謂奉杖屨樂此溪磯何圖

三日遽有大凶承顏莫及彌痛無從瀆綿又閱歲期
已再復縻官守代兒以醇公有不昧逝肯降歆

祭外翁姑文

思齊堂安公慶順

行敦孝友望重 經幄中罹士網久在林澤起廢即
殞孰不嗟惜亦惟外姑配德無闕九原追隨雙塚並
峙少昔受室久蒙恩賜來尹完山妻即去亡今方煢
待其樂無央踽踽在世撫兒摧心忒薦菲儀庶垂顧
歆

祭林錦山希茂文

維年月日表從兄未終制人盧禎謹將酒果之奠告

醉于前錦山郡守林君之柩始君之病也方守大制而不可離以此不得決然即出聞君瀕危遂易服具馬將疾馳以訣而君訃至矣孰意並在一鄉隔水相望而不得面訣以終天耶昔君之幼也未嘗不撫摩之及君之學也未嘗不指引之並立于朝以至二十載之久吾死而收之者君也吾亡而付後事者君也孰意先我死而使我生無所倚死無所屬踽踽於斯世邪嗚呼痛哉我痛其有知邪其無知也邪嗚呼君有聰明博達之識而不自見其能有文辭瑰麗之妙而不見採於時有溫良洵美之行而不知於人位未

登三品年纔踰知命科第廿稔而仕僅五歲歷守三四邑而皆止二考溥命窮躓齋志以八地彼蒼者大胡寧忍而使至於斯耶嗚呼痛哉君之永歸也 國有大戚不得備具身又不潔使豚代薦而我亦在此矣君其知也耶嗚呼痛哉

祭徐密陽九淵文

惟靈生質之良醇而不滯晚乃慕學不但嚶嚶孝隆家庭信篤朋友親賢友善不顧嗷嗷臨事能恪秉志孔昭抱此材美不見于朝歷典五邑割鷄牛刀壽未百順位纔紅袍終恨伯道祀胤誰聊神理杳杳太空

寥寥公昔守咸化先子生民慕乳慈士興敦褒經始
書院澤流不涸余忝郡產亦被教條分忘民守托以
漆膠憂患參商耿耿未拋相還欣欣若濯焚燹前歲
之春余辭紫霄公時南赴約共回軺延城之館握手
相邀袞袞情詎寫一霄執手而別相望魂銷謂有
後期永訣誰料承凶湖外山川緬遼奠未聞期增我
心初清秋憐慄風霜飄颻天時寂寂逝水滔滔緘辭
寄哀東望號咷

祭申氏姊文

嗚呼姊乎而卒斯極既失所天又無嗣息亦復無年

奄忽而終何辜子天厭地憐仁嗟我姊氏性稟非常
柔淑寬惠德音孔良識通大義率禮蹈則豈日閨婦
士行之特織任之工酒食之宜雖所不能允合壺儀
荷金子德何啻子福嗟余與姊年齒五六幼蒙撫視
中各難隔晚捷科第實賴扶助從宦十載靡家靡室
淮姊是倚以有今日余實誠薄又方貧拙思同山岳
報米毫髮病不藥致深慚瘳服未踰制有愧季路
同在一城病瘳卅酉一旬相俟不過數再安知此日
更重歎悔殯歛既畢返觀桑梓鶴髮在堂聞訃驚蹠
相持痛哭地厚天高姊若有知應在非浮况乎臨絕

不忌後計言念及此彌增痛毒盧川已土銘志無屬
申申勗余謂當有待奄至大故莫贖罪予日月有時
歸合函文一觴祀訣長號嗚呼哀哉

祭全弟察訂文

名標号

萬曆二年歲次甲戌閏十一月辛未朔初二日士
申元禎謹以清酌時饗昭祭于故弟濟原察訪子將
之靈嗚呼弟乎汝今何所之乎吾天只乎今論八半
九奄以末席之間汝當日三四省侍矣今何為所
影響若是其死使我不見汝戴冠頌然向來乎汝
未及醉而先君耶世至不識嚴顏今又不顧於養

水滄然先逝使天只日夜拊心籲呼而無所汝於二
親何若是其薄而虧貞子道一何其甚耶有妻無賴
有兒未婚又有繼齡通子者矣而汝何不念不顧棄
之若遺耶吾兄弟孤露餘息了無所怙賴天只辛勤
撫育僅綴喘息得至今日相依倚如手足相追隨以
昕夕而汝何去吾而先逝使我恤恤遑遑無所適啟
乎各立居室連牆接鄰吾堂已成汝又新就到酒醬
烹鮮豚以為庭闈之養將期娛壽百歲而公何遽亡
使兄終無以致愉懽於此生乎九素多尚汝則無疾
兄本羸弱汝則盛壯兄似違矣而薄於世味汝雖窮

矣而若有助願吾死期汝以必收而又擬永享斯世
大延期願之壽矣孰意多病者存而無疾者亡盛壯
者先而憊弱者後五反收汝而我亡終無兄弟之收
者半汝有孝友之行又有文學識慮可以有為於世
而終抱羅隱之恨晚緣沾一命而未登六呂之班至
阻一縣之除不得小試其志天豈忍於吾弟又何其
甚耶嗚呼吾家不天諸父早世吾兄弟淪喪殆盡至
于今年則秋殃駢門堂兄扶伯相繼云亡吾兒隨殞
不終月而汝又至此况我以劇病幸甦之身亦何冀
其久長乎朝名且死猶所甘心而尚顧終養苟延時

日又何其忍也嗚呼我到寢門而汝不迎我哭帷堂
而汝不念語言莫應叫號不聞長與我不生分矣幽
明隔矣他生未可必其相從則天地黜里宇宙昏茫
而已吾欲葬汝以來歲之初吉而有不得如吾志者
處汝終事不克如禮其敢曰有兄有聞知乎葬期將
迫哀不能又但具酒餼果核奠汝靈寤之前萬古長
辭嗚呼欲絕嗚呼哀哉

又
丙子十一月己丑朔初十日戊戌兄禎啣哀致誠告
汝察訪之靈曰嗚呼汝乎一何無息於親耶生未識

嚴顏死又累慈氏貽窮天之慟負終養之願卒使我
子守聖室顧影空山朝夕哭望而不我從上下省拜
而不我隨饋奠往來也汝無偕焉營第宅也汝無
與焉大卧西丘漠然不省瞻望呼號冥然不聞汝有
何心而忍於斯乎且汝之在此也猶有所恃若相東
西侍守焉今將撤汝几筵復于汝室尤使我悲號蹶
躅遑遑乎無所於歸汝復何為而忍於斯也非汝忍
之天實使忍之彼蒼者天曷其忍於斯也嗚呼汝之
離此今纔隔旬值汝生朝奠汝以危酒酌散汝其知
也耶自今以後門戶各異主閉廟室雖復以時酌汝

亦不可得嗚呼其永絕也已其永絕也已

祭金雲江啓文

嗚呼我公而至於斯耶位非不顯也而才不見其施
為德非不足也而壽未及於半期噫噫乎天之生材
也其果無意於時耶曷為生之曷為棄之冥茫曉昧
誰問誰尤余本畸世公獨我收相從九陌共嬉鄉曲
惇惇切切若膠投漆愛好之深義分之篤公躬不三
寧復覩縷前歲冬仲赴召漢濟公已久病神氣猶言
抽身即酉僅獲再歷景後造別時值雪夕已迫兩載
恨未吐臆君曰屢覲夫豈偶爾使我嗇子亦不遠是

我恃君健保無他虞君亦自恃謂即清是猶無入
握手相勝孰謂此別乃成臨世南歸范疇道
凶計奄聞封膺長盡安患疾病孔蘇且於今
始致遠窮窮無計又未子代長頁平素整
至哀不文唯以告枕公其願我庶壽降歎

祭程士後文

嗚呼程乎汝今何所之乎今既踰月矣日念之
光而不得見日尋汝之音響而不復聞入汝之
無有也升汝之堂而無覩也汝其亡矣夫汝其
夫嗚呼兩世二親老病俱劇而汝不顧少婦居

稚蒙縗而汝不念二季籲呼羣從悲啼折余二父
肯仰蒼而汝不知平日孝恭子諒之性安在而汝其
忍於此乎汝有何辜負於天而天亦忍汝乎况承先
人之重繼先兄之體者汝也而汝今奄然長辭吾天
只在堂吾兄身在世而將此享事付諸十歲顛然之
曾孫此余之摧心燻骨而繼之以泣者也方汝之疾
也余知快劑之有傷禁汝勿服者非一再而及其病
之漸加將不可為則余素昧於醫藥之方猶豫疑沮
不能卒禁使汝至此豈非余輩之不良此尤余之痛
傷悔疚而無所自容者也嗚呼吾死而收之者汝也

而使余不得不經心於棄汝之事吾死而祭之者汝也而吾反設祭而招汝之魂人事之僭差天道之杳茫有如是耶嗚呼痛哉嗚呼痛哉今將送汝歸于土也聊具酒果以永訣而適病瘡不潔不得執奠代兒以酌而吾亦在此矣汝其知也耶嗚呼痛哉

祭姜介庵翼文

惟君之生氣厚材明早習文藝即判重輕屏居求志古人是希身蹈繩約思徹幽微稽經觀書默契心會雖遇肯綮迎刃而解一簞一瓢其守愈確不以實介物莫之奪犯而不校人孰涯涘德宇醇如可敦薄鄙

孝友行全疇克倫比倡建書院淑我鄉士身雖窮約豈云無逮有聞于朝一命乃屆君決拜 息傲裝將啓一疾不起天胡忍此為善無命茲實何理余忝聯沁又同鄉里我壯君壯遊訪相尋我本褊淺君則弘深我實輕弱君則靜鎮然不我遺許以並進我言我為君靡不得我病我痛君則下藥猶不督責飲我以德實我範叔始終莫逆其在家食必與君娛一旬累遇對輒忘趨留連宵晝曠日三四豆飯藜羹不厭不愧青山朝榮秋溪夕涼招樵為笑語其樂無央君本出類迥然清通適意處情景俱融會神忘言發以

三溪集卷三
三十一
謳吟顧我昏滯歎賞心欽方期投笏共老溪
峯庶率規益不迷所向今焉疇倚獨立
俛俛單闕之秋忝按西湖候君赴朝煩
以郵徒久訝不至孰意罹疾余緣
憂又即解節抵家一宿朝起承凶痛裂
心肝病未趨躬遂成彌留旋有今除調
護連旬為養扶輿又聞一哭實艱跬步
人孰為然君或知故奔走道途已經
筭墓繼有室憂蒼黃晨暮旋驚扣盆義
莫他顧三望君廬痛極羊曇越至前
春始克拜參鶴髮在堂孤嫠號室哭
撫二稚心焉若割草次未酌擬以秋期
縻官莫歸忽迫再暮敢具絮酒代以息
兒永負平生潯泗

交頤絢破琴亡孰知余悲嗚呼哀哉

祭鄭龍安希參文

嗚呼一蠹有姪夙稟雋異文炳而蔚學博而邃心絕
畦畛泊乎無營綽有華問擬早揚名驥足未展沉疴
遽嬰窮躓半世晚沾官級黽勉班行綏撫二邑客寓
龍城七十一終命之不融天實蒙蒙昔公中年來自
洛師余忝隣屬昕夕共嬉畫策澗口夜晤階軒唱汝
和余載笑載言談文討理或有異同屢出奇論有發
余聰其在于斯寧有睽離余俄竊科公又絆羈相從
九陌莫接綢繆各縻銅綬南北緬悠言追舊事夢想

徒求前歲冬李公在牀褥忙叩宵扃未吐心曲謂疾
少愈復踰關岨孰意今日迺覩轉車楓菊濫厓物色
倍昔迺公旋娶心腸若割薦此豆觴長號以訣

祭竹巖安君琢文

嗚呼文寶殿世何遄通家舊好同爨多年秋月春塘
幾共晤笑鷓山鶉水以採以釣眷言昕夕有同論顯
遷移宦遊別多會鮮書筒相通積有想憶四五年來
喪患孔棘聞有堂成松竹增媚感舊心傷欲往莫遂
去歲之過送我廣寒安知此別永失并歎嗚呼文寶
有此英幹不克自重任情麴蘖遂致奄忽未霑位祿

親黨共嗟士友增慨今迫窀穸曷由赴酌遙歲祭酒
爾甥其代尚克鑒我昭格無昧嗚呼哀哉

夫人安氏禫祭文

嗚呼君亾已及禫澹人事已了恩愛永斬追惟平昔
胡寧忍言欲言難窮視天愁昏嗟我三男爰及季女
已迫婚媾誰與謀處舊室已完新居亦成君乎不在
誰與為生他日重泉倘或相從如其不然重我摧背
今繫官箴未躬奠供代薦終事物菲情永庶幾格思
緩爾子姓嗚呼哀哉

祭趙次汝堰文

嗚呼君乎胡遽假世一別六稔奈此長逝憶初相識
緣有聯糸及締潘楊益篤情契念君洵義孝友慈惠
任性坦夷不屑兀細與物無競於人曷虞纘添一命
遂至久廢沉綿二豎積有年歲遽殞中身神胡其厲
唯畀明胤有行且藝將克昌大赫世無替今迫窀穸
遠莫臨瘞代男酌訣逝肯來疇

龍淵祭文

斯旱之酷仍春及夏龜坼于田塵揚于野既愆時播
又誤移秧晚者苗枯早者葉黃矧此乾種尚未生芒
若過數日永棄農功及時其雨有漢蒼公風簸雲瀉

赫日下矚哀我民生怨誰曰極睠彼澤宮既黜且深
神龍涵淹資興雲陰夙著威靈福我一邦今茲極無
厥咎誰當貪眠淵卧既往不減奮氣天行敢緩斯今
窮乎玄間大沛甘霖膏澤之洽禾不平瘁及時為力
庶發登場歆我毛血迅效其施守土有知敢慢報事

玉溪先生文集卷之二

玉溪先生文集卷之三

行狀

考從仕郎行 顯陵叅奉 贈資憲大夫吏曹

判書無知義祭府事府君行狀

先府君諱友明字君亮姓出黃海道之豐川府國子

進士諱裕之裔殿後繼有名位高祖諱興吉 贈通

政大夫吏曹叅議曾祖諱焉 贈嘉善大夫兵曹叅

判祖諱叔全嘉靖大夫禮曹叅判兼同知 經筵春

秋館事 世子左副賓客藝文館提學考諱盼中訓

大夫行藝文館校理知製 教兼 經筵侍讀官春

秋館記注官承文院校理後 贈通政大夫承政院都承旨知製教無 經筵叅贊官春秋館修撰官藝文館直提學尚瑞院正妣居昌慎氏嘉善大夫同知中樞府事諱先庚之女以成化辛卯正月壬辰生公早孤能自泛師力學稍長文藻警發聲稱藹然與伯兄進士公友良及季進士公友英俱有文行人指為三珠莫不注心高仰之弘治戊午舉進士未幾大夫人即世飭終謹禮哀敬備至時丁廢朝短喪令嚴能持制不變人以為難為雅有高趣自是汲汲為舉子業僅餘四十即屏不事撥置世慮准以書籍自娛始

校理公罷病居鄉未幾捐館生業不饒有先世弊廬無毫髮增飾或至傾陔不以為意經理一委我母夫人不問口多食寡雖至空乏常晏如也少鞠于祖妣貞夫人金氏特見鍾愛欲以土田臧獲厚賜之皆力辭不受晚葺小堂扁曰信古蔣梅竹及栢于庭中間以藥草不雜花卉淨洒一室几案必正置積簡帙亦齊整不亂至於刀硯紙劄之微頓放必謹有些箇塵穢即令糞去不留焉不喜與人往來所與遊必以其人然有造謁者亦皆延遇或有酒黍以供不計有無有來問學者亦諄諄教告無倦意伯兄公以毀早歿

與季氏友愛特至居第雖稍遠時相往來游處浹旬
之間不廢數四或輪設酒食合內外講好無虛月有
未就則詩筒相適間或與之登山臨水擊鮮煮蔬
成真率之遊怡愉觴詠以盡其歡焉戊寅年間慕齋
金公安國觀風本道以搜羅巖穴為務見公與之語
深加敬禮作堂辭以遺之與安遇盧瑾金大有三人
同薦列于朝除集慶殿叅奉儀移 顯陵恪共職物
愛撫衛卒雖一命之微有濟於人多矣時朝廷更化
選行義之士別設一科前設試一日金公大有來議
入對與否久而乃定然公卒無辜焉庚辰春棄官歸

鄉越三年癸未冬十月辛丑以疾終于外寢享年五
十有三葬于咸陽郡治北酒谷子坐午向之原慎夫
人墓下是年十二月十七日癸丑也府君為人風儀
端重資性簡潔氣和色正出言侃侃人望之知其不
可干以私平居蕭冠巾正坐非有故未嘗偃息傾側
委巷非禮之言不接於口世俗營殖之慮未嘗入於
其心恬澹清苦安分守約不敢為絲髮浮靡蓋其
天性然也至其事親盡孝奉先致敬仁於族姻信於
朋友惠於僮使或有所讐忤亦不訶詈先曉喻而後
捶罰然見人非遠則或未嘗不以言責之迨其晚年

王溪集卷之三
三
德義之感人者深而閭里多有所咨決敬信無異辭
雖不肖者亦革面畏飭不敢肆人皆稱之曰信古堂
而不名焉早好為詩清澹有格力又探泝源流雜唐
宋詩辨之百不一失且識字音清濁高低偏旁點畫
無不精解又善楷法心畫勁正深得東晉筆意人爭
寶賞不置有詩稿藏于家嘗見人要記誦應舉於經
傳註釋有所點竄塗抹責之曰此獨非聖賢訓辭而
敢如是耶此雖一事亦可槩見公之所存矣先娶順
興安氏典籍璣之女即文成公裕之裔也 贈貞夫
人後娶安東權氏生貞時敏之女高麗政承漢功之

後也亦封貞夫人生三男三女長曰禧進士先夫人
出次禎前同知中樞府事次裸濟原道察訪女長適
察訪林崇杜次適部將崔佑亦先夫人出也次適行
牧使靈川申潛并崔氏女無後進士初娶兵曹參判
方有寧之女生二女長適忠義衛朴理次適縣監崔
彥光無後後娶承仕郎梁應麒之女生三男長曰士俊
早夭次士獲次士价方薰儒預娶奉常寺判官安處
順之女生七男二女長士訓進士除別坐今不仕次
士誨次士訢次士謹次士詮次士詹次士諗
女長適柳起次適許成弼察訪娶副司果表昂雲之

女生三子二女長士善次士尚次士召女長適盧氏
非一盧也次適姜渭老林察訪生一子三女男曰起
巖有文而次女長適金知中樞府事梁應馬次適文
緯天次適參判尹毅中曾孫男女若干人公少隣丁
一蠹先生家里然先生多在京師及其為守安陰則
時往來問業於其門以公生稟之美信古好義之篤
自早歲已然計應有契好之深指授之正而避迹渺
茫未聞有其說竊伏惟念公在初年未嘗不以屏絕
俗累遊心澹泊韻致清逸為尚其為學也亦頗事記
覽探討之富及其中年以後則專精閩洛之書端坐

一室手抄口誦篤好不厭其立心制行之高不以老
少而有間儀刑一家熏化鄉閭有不可誣者則竊意
實有得於此學而今無所究尋自孤不敢遽以為然
嗚呼痛哉且孤生五六歲時頗習句讀朝夕陪侍嘗
手寫中庸及晦庵先生箴銘跋語使之誦習及其跋
後名姓之題則諱而不稱今猶有遺帖只書其歲月
者焉又竊記孤或戲遊則即令正坐步趨或挨近書
帙則輒使之奉戴于首移時乃止其欲致蒙養之正
垂裕不迷者至矣而巖顏遽隔俵俵失學及其既長
而猶不克追省感發虛過一生卒於無聞荒墜無狀

復安所逃哉且公之下世今已五十有餘年孫得蒙
恩竊官以至今日而尚未有墓道之表雖實有待
其怠慢不虔亦已甚矣公今 贈官叅判秩二品又
當立碑記德昭示後來而孤哀暮疾病死已無日大
懼不克闡揚潛懿以伸罔極之思乃敢撰次世系行
實如右將以請於作者有所採擇焉嗚呼以公學行
德性之美不得小見於世其可紀者止此而孤又荒
忽不能及吾伯兄在世叩稟撰述今雖形容其梗槩
多出於傳聞像想之晚又不得歷指行事表以書之
多有闕漏孤之痛於是焉為無窮矣然其已書者則

孤雖無狀亦知敵誣之為非孝焉可苟哉再曆三年
閏十二月日孤禎謹狀

先妣貞夫人權氏行狀

先妣姓權氏系出安東本高麗太師金章之裔金寶
新羅宗姓而其改為權則事在史傳及譜牒歷十世
而至文坦公漢功益大顯自文坦以下世襲簪組趾
義不替高祖諱村奉列大夫知梁山郡事曾祖諱繼
祐修義副尉司勇祖諱金錫奉訓郎行典獄署奉事
考諱時敏成均生負妣草溪鄭氏通政大夫忠州牧
使諱泛雅之女寶文閣提學八溪先生諱峻其曾王

父也以弘治庚戌十月癸丑生夫人幼靜淑端敏治絲枲縫製不習而能奉親左右無違族黨稱焉及年二十歸于我先府君府君素有高志不屑為生理夫人八門即主內事悉心調劑勤約不懈撫視先出慈愛無間又多庶息皆聚養一家時其飢飽雖其艱之不使府君知也府君素虔祀事極意奉承蠲潔身親祈寒盛暑無所憚府君嘗曰卿實德人後必食其報矣崔氏姊將嫁也府君時泛官在京不克返夫人獨自飭裝具行禮無所缺於是而能不累于府君如此夫抵府君平日不以細故經心終始遂其高者皆夫

人成之也府君之喪號慕毀瘠竭誠奠祭以訖三年自是孑然携孤等持守門戶供賓祭御僮使經畫家務皆有條理人不知零替也且婚嫁多門往來出入之煩靡有紀極而接餉不倦下至僕從之微亦莫不加意過門者無一人不厭其心焉府君有庶息女終始撫教其歸也費具皆出夫人而任之無難色伯兄家京師後乃還鄉同爨多年慈教兩至庭無間言鄉閭皆歎息不置其撫育孤等雖極慈愛常使之從學資給遠近不遺餘力孤之得有今日者無非夫人教督以成之非孤之所自致也晚歲孤童蒙 恩累典

州邑夫人就養幾二十年每以先府君之不及為歎而絕意濫踰不規羸餘少有服食之劑輒不靳留又未嘗一以外言鑽刺有所教囑孤之得以免罪於時者實夫人賜也性又薄於榮利常欲孤居側不離於爵秩進退不甚介意至於仁睦族姻慈覆里閭遇下極恩唯恐傷其意周急貧艱不恤有無委曲殫盡至老不少怠蓋其得之天者然也中年多病急及其大耄則康強不衰其末疾也神明不亂區處無所遺最後命孤曰昔年病在晉衙遺誠在篋間萬或不從致有後悔則人反以是為親累汝其遵依勿失斯乃

遺大故不從病即愈矣其不三傷損性命亦平昔所嘗諄諄者也嗚呼尚忍言之哉越一日而終即萬曆三年十月四日也享年八十六歲以戊歲正月丁未贈先府君墓祭禮度丁卯以孤列二品封貞夫人子立禮送具在先府君墓中示復贅禮止在前一年夫人傷於寒之所致多疾意其不享百歲之壽者或以此乎夫之與不與也豈有身者若孤者生六歲而卒年三十六受先府君之恩特有甚焉而負病困感于武夫則官后計送致養又未盡且鮮學力承顏顏色多言卒於今至大故年與病迫虧失制禮猶言

嗚呼痛哉第先妣德性之
一言之可盡而今將對言恐有沒其實者
宣統四年七月日孫禎謹狀

遺政大夫高州教授中公行狀

公諱潛字元亮姓高靈自遠祖成用以下皆以文
顯世有聞人至公曾祖文忠公諱叔舟佐五朝位冢
子高靈府院君為一幾宗臣文忠長子諱澍補通
禮部奉禮郎後贈文忠公諱有文早夭寔生三魁先
止從漢以其於進士文科重試皆擢第一故人以此
稱之以德學文章鳴世官至禮曹叅判亦早卒叅判

娶 世宗大王第十一子義昌君珏之女以弘治辛
方三月日生公生而穎秀不羣纔七歲而孤伯兄高
原尉沆能脫純習文雅重一時公從之學綴經指授
即自領解不煩劬苦詞藻日進未弱冠聲名大振公
卿薦紳莫不交口稱譽歲癸酉公年二十三試進士
連魁設解南宮人以為是能踵其家緒者時 中廟
在位已久治教更張士學日新公即痛刮浮華務自
砥礪取古聖賢之書而讀之徧交當世之士往來論
辨卓然自得學業日造聞望益重己卯倣古義設新
科公與其選就試中某科第幾名即補藝文館檢閱

故事每賜對時史官常後入先出公入侍纔數日即
進言曰史官於人主言動之微無不察而書之後入
先出恐有失於紀實也聞 成廟朝有一檢人乘此
得售其說卒階後禍請自今先入後出以為常 上
可之即命為例時論譴之未幾被館職之選不及拜
時事大變以新科為非故制罷之公遂落職就闕史
官先入後出之制亦廢公自此知不復有為於時奉
大夫人往清州田墅有定居之志以大夫人不樂于
此旋復入城時坐黨被廢者皆一時材望之士用事
者深不自安辛巳冬公與安公珽等橫被罪籍至于

庭訊榻且不測竟無所得遂遷于長興府在謫十七
年以大夫人在京思慕雖劇而志氣曠夷無怨懟愁
歎之色屏絕翹襲時或賦詩自遣而已士子有來問
業者亦不拒隨材以篤多所成就丁酉冬量移揚州
戊戌秋遂命任便居住時大夫人年高尚無恙還侍
庭闈融融如也翌年丁憂哀戚極至癸祭一依古禮
又以叅判公兆域水土淺薄博求古義遷而同室焉
廬于峨嵋山下三年未嘗一至于家回筭室其傍為
終焉之計是地也有江山禽魚之樂每春秋出居彈
琴讀書備然自適於榮宦漠如也癸卯用薦者補軍

職不受是年冬大臣以公年高德邵材堪華國不可
待以常調遂命起授六品秩為司饗院主簿主簿
為職雖非公所宜處以恩命不常不得已赴闕
以謝未數日上下教曰潛今為主簿無益其改除守
宰欲觀治績於是補秦仁縣或以公不宜屈小官勸之
勿行者公曰余雖無位歷之久素非山野處士之比
恩命至此義不可避况古之大賢莫不安於州縣
為之以行其志而已吾何憚乎遂就任縣素稱繁劇
難治公克積既富又多更歷世事施之一邑沛然有
餘撫摩盡其慈恕操割極其神明期月之間闔境翕

然化服且是邑也承因循盜弊之極無名之賦不正
之稅雜出如蠅毛民甚病之公為之條畫區處釐革
殆盡而要其行之久遠不以一時之利害遽為廢置
也民有以事至庭則溫言降意不加威訶剖決的當
出人意表至有骨肉之訟則亦必喻以恩義之重反
覆諄悉民皆愧歎悔悟失其所爭而去又其為政也
拳拳以興禮善俗育士敦學為急於坊村里社廣設
局堂以為師生之所多出錢布以贍其費往往親自
詣訪泛容訓厲而其所以為教則不在於記誦辭藻
之習焉尊養高年廢揚節孝不問貴賤必加敬異籍

其名姓時節或致糜米酒食以獎之至於錢穀出入之數亦必親自鈎考而又不察察為明吏不忍欺焉時適連歲大歉流移之民四集望哺於是引富鄭公青州故事列置房屋百許間以處之每就食非有六故必躬蒞視凡醫藥調護之方莫不措置纖悉不遺餘力遠近聞風爭以秦為歸所全活無慮數千人觀察使金公光轍上其事于朝 上嘉之命加一級始公雖以恩命之重不獲已就職久於縣非志也而連遭國哀歲又存饑不暇解去颺勉六期遂以宗廟署令歸邑人愛慕遮留而不可得倩記于前人提學蘇

公世讓立三以表德焉公不樂仕宦常有山水之思已酉冬執政有知公志者遂除江原道之杆城郡時公之長姊隨子在麟蹄縣以此樂赴焉郡濱東海雖以清勝稱而地最僻遠民俗騷暴釁隙易生難於化誨然風氣剛固人多以孝義立行者公於是首先延禮其人以風厲之而一以治秦者治之未幾皆化於善爭相勸勵民俗丕變士之搢衣者坐集文風亦大振暇日時携學子遊覽山海之勝風詠而歸又登楓岳以壯其胸襟多所著述辛亥冬 上命揀中外臣僚之莅官廉謹者以聞觀察使柳公智善又上公清

王隱真卷之三
十一
謹之跡于朝時公已患風疾不可在職舊例守令以疾
求解者觀察使例請罷官故柳公雖知公疾而猶循例
以請 上下教曰潛清德口者所至盡心撫理不
可以病而罷之 命適其職仍陞秩以獎之壬子夏
超拜尚州牧使時公疾愈未久感 上眷稠重率不
得辭未幾前以廉謹聞者皆賜表裏一襲公之被其
命焉州當慶尚一道之衝輪蹄輻輳機務浩繁又連
歲大侵流民顛仆死已相枕藉公於是夙夜勤勩盡
心調治規模節目一依在秦時以是民無捐瘠又董
耕稼使及時為力至秋刈邑無不被災而唯州得稔

觀察使丁公應斗上荒政之最于朝 上命增 秩
階通政州有四屬縣皆僻且與士子無所於歲修甚
病之於是大開堂院選地以構之雖當饑饉之極而
能縮節廩用以供其費又不煩于民以是州之人士
競相慕倣至於窮村僻社無不私自營建又為之助
其力後使皆統緒允以書院名者無慮十許所又依
朱文公南康故事擇鄉之脩士為院長以主之方將
遵其教條刊為學式多購小學性理等書分藏諸院
以為學子永久之益設施措置皆未及究其方甲寅
十二月初二日得暴疾薨二日遂不起春秋六十有

四觀察使以訃聞于朝。上教曰：涪清廉勤幹，非他人比。今聞其死，良用惻然。遂命賻贈有加。卒之日，士哭于道，民號于野，如喪所親。及其柩行也，鄉之父老、儒士挽車哀送，填塞道路，香燭之奠，綿及異境。軍民有追至咸昌邑治而修奠者，是豈勢利勸諭，以使然哉！明年三月某甲，泛先兆以禮葬于峨嵋山。坐丙向之原，公為人風姿凝俊，挺出人表，氣宇宏博，識量高雅，望之儼然可畏，即之油然可親。樂善好義，無有倫比。學宗聖賢，每覽經傳，必求其用意處。至其嘉言雋行，則企慕嚮往，思與之齊行。已處心一以古人

為師，世俗冗卑之論，未嘗一出於口。遇事優游，不動聲色。雖當倉卒，未嘗有疾言遽色。忠孝友愛，出於天性。憂時憫俗，發乎至誠。收恤親舊，賙濟窮乏，升財殫力，無所顧惜。尤以獎進後生為務，隨材引誘，拳拳勉之以古人事業。或與之談論，今古疊疊，不厭人有小善，雖微賤，必加敬愛。若其卑猥瑣細之流，則甚鄙夷之，不欲與之言。然接物遇人，和氣油然，俱得其歡心。故雖被忤斥者，無甚怨焉。素籍閩閩，積累之傳，財業故饒。公久在遠謫，專委長姊裁制，不以介意。及其分產，任其所取。令夫人叅稟公，無與焉。當念先稿未行。

在秦時始八拜能於機務之暇手自楷寫終始不倦
人服其誠焉早有經世之念常以洗冤澤物為務其
出而為州縣也欲以少行其志故一以宋朝諸賢為
律令不要徇時諧俗其政雖以仁愛慈惠為主而彰
善瘴惡使知所勸懲繩擊強宗不少假貸以此其初
或有不悅者久而沐公之化則莫不革面化服焉家
世聯戚里自少時居家服御不與乎人等而及其出
官清操卓絕除飲食外無纖毫累於官家人僕御皆
不堪其苦而公處之裕然也每其歸也凡器具什物
或涉日用者雖極細微亦皆一一錄簿歸之官故其

以喪歸也夫人亦一如之川官循例致賻贈一無所
受或有言其不必然者終不聽於此見公家法之所
存而知平日所為非出於一時矯厲也嘗有人忤公
者其女墻犯重辜繫獄事甚黯黯不可辨公察其有
冤卒鈎核得清遂脫於死其不念讐怨一出至公如
此公於文章術藝無有不能詩祖文選詞主楚騷格
律高古旨趣深遠人之得隻句片詞者如獲拱璧傳
玩不已晚工草隸又寫蘭竹極逼其真世稱三絕爭
購銷帛求之公不屑為之也間或與親舊文酒行衍
發為詩歌夷論和暢風流氣槩有足動人者莫不歆

王漢身卷之三 十五
艷高仰之有遺編若干卷嗚呼公之懿德俊行可以
師範一世綱紀儒林文章學術足以黼黻皇猷潤色
太平而早被錮謫未得有為於時晚雖暫試州縣沉
淪卑冗不得伸其志其可見於今日者止此嗚呼痛
哉然若因其少試者而求其用心則知公之志業無
一不準於古人而因以得其大者矣不知今之世有
以此求公者乎公初娶宗室唐海副守某之女有二
女長適監察韓洙以適生負美浣後娶顯陵叅奉盧
友朋之女無子侍婢有一子今纔六歲嗚呼此其為
公之續邪監察生一女適李廷賓禎自二十餘年以

來往來門下謂公德義行治不為不熟矣顧以嚮識
不文既不足以窺其涯際而叙述又不能闡其微隱
陪泛亦晚於公少日行事之迹有不得詳焉然而平
日不鄙無似眷顧甚厚辱以為相知故不敢推托述
其梗槩如此以備作者之採擇云

承訓郎守奉常寺判官安公行狀

公諱處順字順之姓出順興遠祖諱裕仕麗朝位至
僉議中贊贍學育材大闡儒教於世平謚文成從享
孔子廟自是以來繼踐科筮歷二十不替累有名卿
鉅人公曾大父諱政 贈嘉善大夫吏部叅判行通

訓大夫判軍資監事六父知歸 贈資憲大夫議政
府左叅贊行嘉善大夫全州府尹考諱璣晚登第即
授成均館典籍以事娶北陽林氏綾城縣令玉山之
女縣令亦以篤孝稱弘治某田生公與籍公之喪林
夫人奉柩南歸時公生纔六歲仲父判書琛憐而育
于家幼聰警不群既長遠泛時之聞人遊不屑為舉
子業屬志問學樂善慕古不為浮議所搖棄一時輩
流莫不傾心嚮愛之正德癸酉舉進士翌年甲戌登
丙科選補權知承文院副正字乙亥春薦拜藝文館
檢閱冬復遙為司勇丙子春復拜檢閱是年秋選入

弘文館為正字無 經筵典經春秋館記事官丁丑
秋陞著作俄轉博士皆無帶 經筵春秋館時林夫
人年高在鄉即丐養以歸戊寅秋除求禮縣監仍兼
春秋記事官縣無 宣聖廟每祀春秋儼行於閭舍
公至則不遑他務乃相其地而營之大恢規制極其寬
敞庭廡齋廚靡不脩具士民皆聚首歎息嘗好讀近
思錄謂此書於入道最要而病板本罕於世鄉邑子
第或不得一窺陞辭之日陳請刊行得秘府一本鳩工
鋟板極其精義在官數年吏畏民懷不忍欺未幾時
事大變在廷之士與公所嘗泛遊者相繼擯黜時李

三溪集卷之三 十一
宰符以使事至完山公訟牒與之會李自先世故有
好酒半公因感傷世故泣下不能禁是時朝議并欲
坐公而以公久於外無事可假以為葬者及是言一
播群議益譁然公即移疾歸于家於是又欲藉以棄
官將不但已適佐幕者與公有舊告于當路者真之
殿考自是公絕意榮官築室鵝水之上有終焉之
志癸巳黨禁稍解補成均館學官甲午春拜典籍公
以 恩命出於久廢黽勉赴朝供職俄移養賢庫主
簿遂轉奉常寺判官階承訓是年冬十一月某甲得
疾卒于京師之寓舍年四十三矣越明年某甲葬于

南原奇治之南黑城山卯坐酉向之原從先兆也公
為人儀容端正資稟明潔處事能果而敏接人一以
誠款見于色辭平居言笑溫溫可親而有所裁制一
聽於義無所屈撓孝友之誠得之於天者甚至常以
不及省嚴顏為痛哀慕不寧悲涕不自勝事大夫人
兢兢致孝唯恐少拂其志自罷去以來愛日愈切奉
養益力親食然後乃食有不如常則公亦不飽居側
或為嬰戲以悅之其侍末疾夜不交睫嘗糞驗其言
凶及至大故則三日不納勺飲日啜粥暮而後始進
糲飯然塩而不醬亦不食蔬果別構土炕獨處其中

以致哀慕夜必倚壁以為常毛髮盡磔不自悔或垂
繩結髮以警昏睡每雞鳴上塚哀哭仍就伯仲廬蓬
明又哭几筵盡哀遂抵厨間親手饌具寒暑不廢遇
雪躬帚以掃塋域三年之內常如始喪哀至輒哭哭
聲不絕不與人坐對而不言亦嘗見齒雖高柴之泣
血二連之善居無讓焉公素羸多病臨喪劬苦如此
人所不堪而卒無患未嘗一日廢禮人以為孝誠所
致治喪亦勤劇葬祭之具極其豐厚而無所逾於禮
焉又沐浴祀事必三日豫戒沐浴未嘗解衣以寢每
遇親生朝必陳遺衣祭于家哀泣久不怠事伯仲如

事父有事必咨有出輒告得一物必供冠服有不時
則或為之製經理有未瞻則或撤已力而趨之內外
甥姪無慮數十人常聚食以教自遠而至者如歸其
家雖疏屬亦然家人雖艱於支給不以為意識度趨
脫於物無所顧周濟貧乏匍匐死喪不遺餘力有
朋友之餽即日分之俟隣人有急難則亦必委曲救
解雖勞且耻不辭不知者以為病而知者服其誠卒
之日士友莫不齋咨歎惜其葬也數郡畢至本府以
公實迹累申于朝朝議亦以公位不滿德擬加職賞
而事久不行識者恨之公又篤於為義與朋友交久而

信不以利害移易其心始己卯禍作趙公先祖謫在
綾城者纔一月時用事者方仇疾同類事多叵測公
即自縣馳往與之會又交舊之擯于南者相繼亦皆
極力資遺不少沮人以為不可及公娶扶安韓氏考
諱弘不仕祖盈某階某寺主簿靜重有守佐公無
違德及公之歿亦能率履持家後二十七年而終得
春秋六十有七葬與公同塋異室生一男一女男曰
瑒克遵家法女歸于我男瑒前娶訓道守金成璧之女
生二男一女男長昌國娶張价之女次善國女未行
也後娶僉使李瀛之女女生五男二女男長士訓娶叅

奉趙堰之女次士誨娶柳凝之女餘皆幼嗚呼公之
純德懿行播在家庭者灼灼如此而事繁不少槩見
於世位纔班五品之末卒又無年以終天之不佑
善人有如是耶孤瑒聞公之行不著于時降命不長
又無墓道之表大懼終泯而無聞屬余具狀將以求
一言於作者故不敢以不文辭第公之在史局 經
幄為日雖不以其間未必無直筆之書諷議之獻而
孤瑒生晚未有聞知公之一時僚友又皆淪謝無所
於徵問竊闕而不得錄云

墓碑誌

曾祖大司憲公墓碑記

公諱叔全字和仲姓出豐川國子進士諱裕之後曾
祖諱天桂承仕郎龍駒縣令 贈通訓大夫司僕寺
尹祖諱興吉 贈通政大夫吏曹叅議考諱烏 贈
嘉善大夫兵曹叅判三世推恩皆以公貴妣貞夫人
金官金氏奉常大夫軍器少尹良貴之女以永樂癸
未三月壬寅生公少力學刻苦能屬文大播華聞年
二十五擢第宣德丁未乙科一人補承文院轉博士
校理移司憲府監察叅修資治通鑑訓義選入集賢
殿為修撰知製教又擢正統丙辰重試間除成均直

講全羅都事復入集賢殿校理應教自是以來常在
經筵兼帶春秋 世子弼善輔德又歷舍人知司
諫以事適為知通禮詹事復拜藝文館直提學移集
賢殿俄陞虎賁衛上將兼知兵曹事春秋館編修官
遷承文院同副承旨轉至左遂階嘉善叅判之曾兼寶
文閣提學同知 經筵歷大司憲兼 世子左副賓客
例受原泛鐵券移同知中樞轉階嘉靖叅判禮曹兼
帶春秋賓客如舊復移戶刑歷尹漢城又出按三道
自全羅入拜藝文提學於忠清兼同館提學於慶尚
陞中樞院副使兼觀察使最後拜上護軍此公歷官

從政之大槩也天順癸未七月初七日卒于京第享年六十一葬于咸陽郡北池內釜隴之原貞夫人金氏系出慶州考曰點生貞王父曰成用世子右諭善妣河東鄭氏判典農寺事復周之女初歸于公克修婦道後公三十七年而終弘治己未七月十四日也得壽八十九葬與公同兆異寵生二男二女男長昀掌隸院司評次昺藝文館校理後贈都承旨長長通齊陵直梁楨之遠大司憲金悌臣無后司評先娶上護軍鄭孝忠之女生一男一女男曰友益庶功即之遠領議政金銓後娶韓崇祖之女生男曰友

諤文昭殿叅奉校理娶同知中樞府事慎先庚之女生三男長曰友良進士贈司憲府持平次即我先府君諱友明進士薦修行拜顯陵叅奉後贈吏曹判書次友英亦進士除永慶殿叅奉梁陵直生三男忱恂忻曾玄內外男女并百有餘人始公之捐館也未遑墓道之表訃實有待而未幾兩祖相繼即世無所撰述今雖欲形容德履歷叙官跡得乎第念公之立朝在英廟中年集賢人才之盛至今稱道不衰公昵侍多年屢備顧問退與諸公接武一時寵眷譽望之隆猶足彷彿而亦有四佳徐公筆

苑雜記可考也其以舍人拜司諫也 顯廟時監
國銓曹言資歷未準特 命加級而為之自是數年
之間秩陞貳弼而因教出按外藩竟不至大拜然
光廟亦以名論素重屢引接見稱為故舊眷待不常
蓋 英廟朝撰集治平要覽 光廟被旨監局公為參
屬也嘗丐親養拜晉州牧其辭也 恩欵特異錫
以廐馬至今都承旨錢于門外事在國乘然以憂卒
未上其叅論朝政也据正不撓要久遠無弊八侍
經幄則因文演說反覆陳戒多所裨益在書筵
尤致勤懇不遺餘力一日侍講而退 德宗時在東

宮命中官下諭曰教我切至當書諸几案服膺勿失
其被眷重如此司評公嘗佐官忠州公作八字之戒
以勗之曰誠信廉公勤簡和惠字各釋義俾無忘寢
食可為子孫世法其在日錄可考者然也嘗憫墓無
標樹顧力綿未就今章豎碣城前別具小碑略叙官
歷梗槩俾來裔有所考云曾孫資憲大夫前行同
知中樞府事禎謹記

有明朝鮮國從仕郎行 顯陵叅奉 贈資憲

大夫吏曹判書無知義禁府事府君墓誌

先府君諱友明字君亮姓盧氏豐川府人國子進士諱裕

之後高祖諱興古 贈史曹參判曾祖諱焉 贈兵曹
參判祖諱叔全司憲府大司憲什 英廟朝常在集
賢殿有重名不大施考諱盼藝文館教授早卒
贈禮曹參判妣居昌慎氏同知中樞府事諱先庚之
女以成化辛卯正月壬辰生公少孤能力學搦文藻
播譽弘治戊午舉進士與伯季進士公俱有名行士
類莫不豔慕之府君素有高志不汲汲程試終餘四
十即屏不事築小堂扁以信古箴以栢葉草于庭不
雜花卉拂拭几案端坐讀書蕭然無一點塵累經理
家務一委我母夫人不問有無先世故廬葵且傾侈

不以為意口多食寡雖至空乏常晏如也伯兄公以
毀早歿與季氏篤友常往來不離有故未就則詩筒
相適或與之登臨山水觴詠以盡歡人皆欽其風致
慕齋金安國觀風嶺路見公深加敬禮與安遇等二
人同薦列于朝拜集慶殿參奉俄移 顯陵恪共職
物不以官卑有不屑焉衛卒亦愛誦之時國家別設
科目擇行義之士以試之公與其選不利未幾棄官
歸鄉癸未十月辛丑以疾終于外寢享年五十有三
遠近聞者皆曰善人亡矣卜兆于郡治北酒谷墜子
向午之原實是年十二月癸丑也府君為人風姿端

重玉裕米潔望之可敬人不敢干以私常肅不中正
坐非有故未嘗息偃委巷駁難之言不接於口清苦
守約有隱君子之操家居以禮法自飭愛睦親姻叔
恤隣閭待童僕必恕先曉諭而後訶罰然見人非違
則或正責無所避平生處已接物無毫髮疵累鄉黨
高其行有疑多就咨稱信古堂而不敢名性又篤孝
飭終謹禮丁廢朝短喪令嚴能持制不愛又怵惕祀
事哀敬終身少被鞠愛于王母貞夫人金氏屢欲優
賜田產卒辭不受早好為詩清澹無塵俗氣又識字
音清濁高低偏旁點畫無不精究最善楷法心畫極

勁正人皆寶賞有詩稿藏于家大抵公在早歲雅好
清高以襟韻淡泊為尚其學必類事記覽之富迨中
年以後則專精閩洛之書誦服不厭德邵行尊多所
感動人者非有得於此學而能然乎嘗見人於經傳
有塗抹處責之曰此獨非聖賢訓辭而敢爾耶平居
每事要正至於簡冊服用必齊整不亂否則若如物
不下其存心不為多類此孤年五六時稍習句讀朝
夕在側猶能記一二蒙養之方而不克追省感發率
於無聞窮天之罪復安所逃哉隆慶丁卯 贈吏曹
叅判今又加判書嗚呼孰意公不自少見於世而有

是哉此無非公之貽也公初配順興安氏與籍璣之
女生一男二女後聘生負權時敏之女生二男一女
男長禧進士女長適察訪林崇杜次適部將崔祐無
後先夫人出也男禎資憲大夫前行同知中樞府事
次裸濟原道察訪女適行牧使申潛無後禧娶參判
方有寧女生二女長適忠義衛朴理次適縣監崔彥
光後娶承仕郎梁應麒女生三男曰士俊次士豫
次士价禎娶奉常寺判官安處順女生七男長士訓
進士除參奉今不仕次士誨次士訢次士諤次士詮
次士詹次士諗訢詮次女適柳起次適許成弼

裸娶副司直表昇雲女生三男二女男曰士善次士
尚次之召女長適盧伋次適姜渭老林崇杜生男曰
起岳次女長適參議梁應鼎次適文緯天次適參判
尹毅中曾孫男女四十餘人始府君之葬也未及求
訃于作者不得依禮下石孤自省事以來且有所待
因循歲月以至今日乃始略叙姓系年閏行義梗槩
納諸域間怠慢不虔甚矣而又此記德修辭茫不知
指摹多有闕漏叫號無所嗚呼痛哉萬曆五年八月
日孤禎泣誌

先妣貞夫人權氏墓誌

先妣姓權氏系出安東始自羅金宗姓而為權事在
史傳及譜牒厥後世襲簪組不絕高祖諱村知果山郡
事曾祖諱繼祐司勇祖諱金錫典獄署奉事考諱時
敏成均生負妣八溪鄭氏行忠州牧使諱泛雅之女
以弘治庚戌十月癸丑生夫人自幼時以賢明稱於
家及年二十歸于我先府君府君素有高志不屑為
家謀夫人八門主內事勤約不懈撫愛先出悉力婚
嫁又多庶息皆聚養一家不以有無細故累于府君
府君安之及府君捐館號慕若無生殫誠奠祭持門
戶有法撫教孤等俾不失業晚以孤歷典五邑就養

幾二十年未嘗以外事有所教囑身居侍奉前後
餘十年亦夫人之志然也平生接人處物皆出赤
誠慈視異出多有人所難能者愛睦親姻周恤鄰
里自少至老如一日闔門上下終始贊誦無異辭
隆慶丁卯 賜今號萬曆三年十月丙戌卒享年
八十六子女婚適具在府君誌中不復記嗚呼孤
生六歲而不夭幼蒙無所倚匪夫人撫育教督之
至何能得有今日哉顧孤無狀生則貧薄不能致
其養歿則衰迫未克盡其禮虧息負德號隕無
所且始遭大故遑遑速次不暇綴辭欲求作者

又不可得矣日已迫不能依禮下誌今始略記
德美年閏梗槩追瘞域間怠慢不虔無以贖後
時之罪嗚呼痛哉 萬曆五年八月日孤禛泣
誌

承訓郎成均館典籍安公墓碣銘

公諱璣字某姓出順興遠祖諱裕仕麗朝任侍中興
學校有功斯道配食文廟自侍中至公為九世嗣登
賢科多躋大列考諱知歸嘉善大夫全州府尹妣尚
州札氏刑曹叅判以昌之女以景泰辛未三月辛亥
生公公昆第五人其顯者曰叅判瑚判書琛公其季

也少失怙恃既長能力學為文聰明又過人大有聲
稱成化壬辰中生貧後登乙卯第即拜成均館典籍
兼南學教授以曾有階秩也時有姦僧請於朝修學
舍而其志欲亂吾道者公即於莅官之日毅然逐之
又草疏極論遠有朝命罷役故不果上搢紳咸期以
遠到焉未幾以疾終弘治丁巳夏四月戊子也得年
四十有七以是年九月壬寅窆于南原治南黑城山
之原公寬嚴忠厚又友于兄弟天性篤至其接人也
和氣油然而親朋茗酒談笑終日忘倦平居不疾
言遽色而家庭常肅如也夫人林氏北陽世族考曰

縣令玉山有孝行夫人自幼時已有觀感之美及歸于公能承順無違德公晚官終京師夫人子子奉極還南原持門戶有法教諸子以嚴俱至成立率就養于二縣享年七十三而終葬祔公之窀左生五男三女男長曰處經縣監次處權生負次處常進上次處健次處順登科由翰苑玉堂乞養監求禮縣中累于士類終奉常寺判官女長歸于我先君諱友明次適引儀韓壽次適訓導李峻內外孫曾孫男女九四十四餘人唯生負與訓導無後判官公有至性其在外艱也躬伐石將表于墓道而以其有待故未及豎以殁

孤塚乃克成其志徵銘甚堅余亦受室于判官公之門故不敢以不文辭銘曰

竹溪有姓奕世桂枝公能踵武不獲少施官無一遷髮亦未衰維媿之賢教子有成同歸于是萬古永寤

生負趙公墓碣銘

公諱壽億字仁祐姓貫淳昌世為郡人遠祖諱璣在麗朝官至侍中平章事歷教世通顯公會祖諱順孫不仕早歿祖諱勣教安陰縣學者諱玉汝業儒不成妣草溪鄭氏忠佐衛司正思仁之女戶曹叅議虔其四世祖也正德戊辰十二月戊午生公生而秀異早

幼學屬文有聲鄉邑間每大比試類冬夏課選輒中
無蹶一時輩流皆推先不敢齒嘉靖辛卯俱捷生負
進士兩榜連游國庠不遇退而居子鄉教子弟諄諄
不怠不專為程式計守正君幼聰穎能文公號之曰
士之立身當先行而後文不然雖才名冠一時何足
貴哉汝其戒之公天資粹美不屑功於操存而言動
無過差性又嚴毅不苟合於人羣居未嘗有諧謔笑
浪人望之皆敬畏不敢肆又於雜藝無所好尤不喜
博奕獨以射者男子之事時不暇為之家本清貧而
不以營殖累其心故於人無競人亦無怨言與外弟

河西金公麟厚少同業相親愛動必與偕微有失峻
責不饒金亦受而無忤及公之歿有輓詩八篇極其
傷悼其契誼之篤如此公少失所恃事繼妣一如所
生撫教諸身使之成立人皆稱其不違志焉嗚呼以
公文學譽望之重使之有過於當世則其所就可量
哉顧不位不年以歿地天將蓄止不發以大嗣胤之
施也耶嘉靖戊申三月甲申疾終于第去生歲纔四
十一以是年十二月丙寅葬于郡治之西朋姑之原
訓導公兆次也夫人趙氏同郡人高麗重大匡玉川
君元吉之後非一趙也考諱球有隱德不仕夫人性

仁明識事理孝奉二親逮順舅姑俱得其歡心又務
周悉不計空乏治門內勤績紆不以年邁少懈寺正
君早擢巍社出八薇垣栢臺夫人備享其榮又適養
五邑卒于錦山郡衙實萬曆甲戌三月乙未也得壽
七十四附葬公北而左右焉生二男二女男長惟誠
次惟誠即寺正君也女歸前都將朴有恒次歸前都
將李盛根惟誠生一男禎弱冠時從公游津宮今已
三十有餘年矣又與寺正君忝有契好雖謂之得交
父子間可也今君之銘墓為請重有感而不忍辭銘
曰

肅然其容蔚然其才若有以為胡遽中摧蓄而不宣
而有斯子其又奚憾雙塚俱峙

箕子殿參奉林公墓誌銘

公諱珏字潤卿姓出羅州之會津縣六世祖英仕麗
朝官至禮儀典書曾大父由性不仕大父碩全教甄
山縣學考諱憲上舍生妣晉州鄭氏某官某之女以
弘治庚戌正月某甲生公自幼端謹詳緩無外慕弱
冠時上舍公遭內憂無他比身公服心喪隨廬山側
以迄再暮人以為難又能奉親左右無違肅祀事以
時處姊妹間能推與不自悔其居于鄉循循雅飭無

怨言於人戒僮使奉祖賦性又不喜營業端居常泊如也每賓至不問有無必具鷄黍以為歡或遇佳辰勝節招携幼稚臨流陟阜擊鮮舉觴以自適卒得年七旬有四無疾備然而逝嗚呼其無憾也已有閏公之無官稱者授以叅奉號得階至承仕非公之以是為肩也公卒于嘉靖四十二年九月十日葬以是年十一月十五日其原曰咸陽郡之血溪是先兆所在處也公能積厚于躬發於其子長即希茂捷大科為成均館學諭次希秀希榮皆謹謹守家法女二人嫁為士人妻盧欽盧士俊其壻也公之配曰權氏安東

世家是於余為外從母公常視猶姪也今孤之以誌墓為請其可辭諸銘曰
鄉有達尊德而匪位於人無怨於身不愧唯其畜之而發於嗣我作斯銘以詔無墜

處士鄭公墓誌銘

公諱希輔字仲猷鄭姓其先南海縣人也自公徙居于咸陽四世祖諱可願官至安州道兵馬團鍊使兼判德州事祖確父孝忠皆不仕母夫人晉州鄭氏嘉靖大夫漢城府尹訥生之孫司醞署直長漢元之女公幼聰警不羣能刻意問學及長益自植立爬羅搜

別擗藻日進聲名遂大振連舉于有司竟不售白首
固窮人甚惜之居第湫隘僅蔽風雨蔬糲或不給猶
怡然不以為意性不與人苟合不喜交遊杜門端居
淡泊自守然遇事剛果不以人言有所屈撓晚歲以
訓迪後進為己任誨誘諄至終日答問略無倦色學
徒聞風遠來者甚衆結茅齋于公之宅南百步許常
群聚而講習焉未十年稍稍登科第仕于朝通經綴
文方業舉子者不可選記嘉靖丁未五月疾終于家
得年六十其年冬門人聚賻將葬之因時不利不克
葬越明年戊申十二月某甲始襄事實城隍山之同

內原也娶羅州朴氏忠順衛諱桂幹之女生四子二
女長曰業次曰乘次曰栗次曰棄皆成就有行唯棄
未有室文長適朴德昭次適崔應福嗚呼以公之文
行必且為世用而竟不位以終或者其有後乎將奕
業等請銘于盧禎念禎實賴公誘掖得至今日無所
報效是噓於銘其可辭銘曰

窮也者吾不知其可惡達也者吾不知其可慕窮而
守義君子維則達而無善其死誰籍維彼唐谷人擬
白鹿躋躋踰青衿滿堂湖嶺之濱半是門人功存
啓後萬古不朽

玉溪先生文集卷之三

玉溪先生文集卷之三

Blank columns for text within the frame.

Handwritten mark at the top of the left page.

Handwritten mark in the middle of the left page.

Handwritten mark at the bottom of the left page.

